



Här Claude Wiseler

President vun der Chamber

Lëtzebuerg, den 8. Juli 2024

Här President,

Esou wéi d'Chambersreglement et virgesäit, bieden ech Iech, dës parlamentaresch Fro iwwert **de Vott vun der Nature Restoration Law** un d'**Madamm Ministerin fir Landwirtschaft, Ernährung a Wäibau** weiderzeleeden.

An engem Artikel an der Lëtzebuenger Press vum 5 Juli 2024 ass ze liesen, dass dem Här Ëmweltminister seng Zoustëmmung fir d'*Nature Restoration Law* am EU-Ëmweltconseil de 17 Juni bei der Madamm Landwirtschaftsministerin zu "Onmutt" gefouert hätt, an dass dës Ofstëmmung net mat den anere Minister.inn.e vun der Regierung ofgeschwat gi wier.

An dësem Kontext erlaben ech mir folgend Froen ze stellen:

1. Huet d'Madamm Ministerin eng aner Positioun zu der *Nature Restoration Law* wéi déi, déi vum Ëmweltminister am EU-Ëmweltconseil de 17 Juni vertruede gouf?
2. Wa jo, wéi ass der Madamm Ministerin hir Positioun zur *Nature Restoration Law*?
3. Ass d'Madamm Ministerin am Virfeld vum Vott beim Här Ëmweltminister intervenéiert fir d'Lëtzebuenger Positioun zum besote Punkt ze änneren?
4. Huet d'Madamm Landwirtschaftsministerin d'Lëtzebuenger Positioun zum besote Punkt no senger Adoptioun am EU-Ëmweltconseil de 17 Juni an der Regierung thematiséiert?

Mat déiwem Respekt,

Joëlle WELFRING
Députéiert